



UNIVERSITÄTS-  
BIBLIOTHEK  
PADERBORN

# Waerchtighe Historie Van de Martelaers Van Gorcom

**Estius, Wilhelm**

**Antwerpen, 1604**

Capittel VI. Van vele merckelijcke woorden ende wercken van hem  
wijselick ghesproken ende ghedaen.

---

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)



dese liefde der Evangelischer armoede is ghecomen/  
dat hy het ghebreck van proprietarischap oft eppen-  
dom (d'welck de selue armoede recht contrarie is)  
als een peste van de cloosters grootelycks haette.  
Ende om dat syn broeders daer hy ouerste af was  
daer toe gheen oorzaccke hebben en souden/ dede hy  
alle neerstighepdt / dat hen allen uyt het ghemeyn  
soude verleent worden alle dat sy tot cleederen/  
boecken ende andere behoeftelijckheden van noode  
hadden.

## CAPITTEL VI.

Van vele merckelijcke woorden ende wercken  
van hem wyselijck ghesproken ende ghedaen.

**V**ele andere dinghen heeft hy Godt-vruchte-  
lijck ende wyselijck ghedaen ende ghesproken.  
Doo wanneer als hy seyde yet te willen gaen doen/  
te lesen / oft te schryuen / oft buyten te reysen / oft  
yet dies-ghelijcks / al-tijdt voeghde hy daer by: Ter  
eeren Gods: volgende de leeringhe van S. Paulus / 1. Cor.  
Doet het al ter glozien Godts. Als hy de broeders 10.  
sijn onder-saten eenigh werck moeste op-legghen/  
dick-wils badt hy hen daer hy't soude hebben mo-  
ghen bevelen: maer weder dat hy't ghebode oft dat  
hy badt / seyde al-tijdt daer by: Wt liefden: den-  
kende op t'ghene dat de selue Apostel seght: Laet 1. Cor.  
alle v dinghen inde liefde ghedaen worden. Het uyt- 16.  
storten vande costelijcke salue ouer het hoofd Jesu / Mat. 26.  
verstondt hy te beteekene / dat alle onse goede wer-  
ken moeten ghegoten worden op Christum / als  
het hoofd / den auteur / ende den geuer: sulcks  
datter niet een druppelken en bliue dat wy hem niet  
toe en schryuen. In raedt te gheuen vermaende hy  
dat-men bouen al verhoeden soude / dat Godt niet



vertozent en worde. In twyfelachtighe ende swa-  
 re saecken was hy seer scherp van verstande. Als op  
 eenen tijdt eenighe vrouwen naer den schijn seer  
 gheestelijck ende Godt-vruchtigh/ gheacht wierden  
 renighe wonderlijcke reuelatien te ontfanghen/ ende  
 sommighe vrende schrickelijcke dinghen hen ouer-  
 quamen / ende dat de saecke by de gheleerde wierdt  
 onder-socht / Nicolaes heeft d'aller-eerste verclaert  
 dattet niet en was dan dupuels bedroghe ende tooue-  
 rije. D'welck naer-der-handt claerder als den dagh  
 ghebleken heeft waerachtigh gheweest te hebben.  
 Hy en prese niet seer de vrouw-persoonen die niet en  
 willen houwen / noch euen-wel de werelddt en ver-  
 laten / noch hunnen eyghenen wille en verlaecken/  
 noch naer eenighen regel en willen leuen / om dat  
 sy dick-wils de liberteyt ende vrygheddt des leuens  
 mis-brypcken / segghende van dul-danighen: Een  
 vrouwe moet hebben oft man oft muer. Met twee  
 van sijn vleeschelijcke broeders die ghedooft waren  
 van het Catholijck ghelooue/ heeft hy deur woorden  
 in hun presentie / ende deur vrieuen in hun af-wesen  
 ghehandelt met alle moghelijcke sorghe ende neer-  
 stigheddt om hen vande dwalinghe te bekeeren. Het  
 welck al ist dat hy niet vercreghen en heeft (want  
 Eccl. 7. wie can ghebeteren den ghenen die God versmaect)  
 nochtans en heeft hy by Gode niet verlozen de ver-  
 dienste van sijnen seer goeden wille en neerstigheddt.  
 Alster eens twee ketters ter doodt waren verwesen/  
 ende dat sy tot kennisse waren ghekeert / heeft hy  
 oodt-moedelijck ter aerden vallende veur hen-lieden  
 aenden richter ghebeden/ dat hen d'leuen gheschone-  
 ken soude worden. Met vromen ende stantachtigen  
 moede heeft hy ghedreuen / ende vol-braght / dat  
 een Querste van een vrouwen-clooster / om dat hy  
 de maeghdekens oneerlijcken was mis-brypckende/  
 al



al steunde hy seer op sijn vrienden / ende hy velen seer was ghesien / van sijn officie af-ghelett ende verlon- den soude worden. Oock heeft hy seer sozghbuldig- lijk ghelett / van den tyd dat hy Gardiaen was ghemaeckt / om sijn clooster te moghen refozmeren / hebbende nochtans daer in eenighe vande broeders partijgh ghevonden / maer gheen van allen dien en zyn met hem deelachtigh gheweest vande croone der martyrien . De maeltjdekens oft brasserijen naer mid-dagh / die t'anderen tijden ter oorzsaechen vande wereldtjcke personen in't clooster in-ghe- broken waren / heeft hy / bouen het teghen-strijden van velen / teene-mael af-ghebroken . Al-soo groot was de stantachtighejdt van P. Nicolaes in voorjdt te drijuen ende te vol- brenghen t ghene dat hy wel inden sin ghenomen hadde. Soo dat van hem seer wel gheleghet heeft P. Petrus de Monte een gheleerd ende Godt-vruchtigh man ( onder wien als Gardiaen P. Nicolaes in twee oft drij plaetsen hadde ghewoont ) aen-merckende ende gheproeft hebbende sijn onberoerlycke vastighejdt des herten sonderlinghe in't stuck vande refozmatie / dat hy hem al-tijdt ghehouden hadde seer bequaem te zyn om het martyrie te verdraghen . Dese wepnighe punten upt vele andere gheschreuen moghen ghe- noegh wesen om den nae-comelinghen aen te prij- sen ende te betuyghen sijn heplighe conuersatie des leuens betaimende eenen toe-comenden Martelaer.

## CAPITTEL VII.

Van sijn twee leste sermoonen.

**V**oortds als de leste tempeest der verbolginghe is op-ghestaen / heeft hy twee merckelijcke ser- moonen ghedaen tot het volck / de welcke ghelijck  
sp de